



Međunarodni otvoreni postupak broj: 13/23

Broj: 01-11-1650-6/23

Mostar, 02.11.2023.godine

Na osnovu člana 70. i člana 64. stav 1.tačka a) Zakona o javnim nabavkama ("Službeni glasnik BiH", broj: 39/14, 59/22) i na osnovu Preporuke Komisije za javnu nabavku broj: 01-11-1650-5/23 od 30.10.2023.godine, Ministar poljoprivrede, šumarstva i vodoprivrede **d o n o s i:**

ODLUKU
o izboru najpovoljnijeg ponuđača

I

Prihvata se Preporuka Komisije za javne nabavke, broj: 01-11-1650-5/23 i ugovor za javnu nabavku - Otvoreni postupak međunarodni broj:13/23 - nabavka usluge Izrada dokumentacije: "Digitalni katastarski plan vodne infrastrukture općine Neum" - postojeće stanje
"Digitalni katastarski plan vodne infrastrukture općine Ravno" - postojeće stanje i
"Digitalni katastarski plan vodne infrastrukture općine Prozor/Rama" - postojeće stanje
dodjeljuje se ponuđaču **konzorcij: „HIGRACON“ d.o.o. Sarajevo – nosioc konzorcija / „PROTOK“ d.o.o. Zagreb – član konzorcija** Nosioc konzorcija „HIGRACON“ d.o.o. Sarajevo, Ulica Hiseta broj 3, 71000 Sarajevo jer je dostavio najpovoljniju ponudu i ponudio: cijenu od 218.790,00 KM sa PDV-om (187.000,00 KM bez PDV-a), obuku uposlenika komunalnih preduzeća općina Neum, Ravno i Prozor/Rama (teren + kancelarija) u trajanju od 8 x 4 sata, obuku službenika općina Neum, Ravno i Prozor/Rama (teren + kancelarija) u trajanju od 8 x4 sata, obuku službenika Ministarstva PŠV HNK/Ž (kancelarija) u trajanju od 4 sata i podršku od 12 mjeseci od dana isporuke dokumentacije, po pozivu i potrebama korisnika, a ne ograničavajući broj intervencija .

II

Prijedlog ugovora o nabavci dostavit će se na potpis ponuđaču u zakonskom roku.

III

Ova Odluka objavit će se na web-stranici Ministarstva poljoprivrede, šumarstva i vodoprivrede – www.mpsv-hnz-k.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. i članu 71. stav 2. Zakona o javnim nabavkama.

IV

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o ponovnom pokretanju postupka javne nabavke broj: 01-11-1650-1/23 od 29.08.2023.godine – nabavka usluge Izrada dokumentacije: "Digitalni katastarski plan vodne infrastrukture općine Neum" - postojeće stanje, "Digitalni katastarski plan vodne

infrastrukture općine Ravno" - postojeće stanje I "Digitalni katastarski plan vodne infrastrukture općine Prozor/Rama" - postojeće stanje.

Javna nabavka je provedena putem Otvoreni postupak međunarodni broj:13/23

Evidencijski broj u planu javnih nabavki Ministarstva PŠV HNK/Ž za 2023.godinu: USLUGE 18
Broj obavještenja o nabavci sa portala javnih nabavki: 1243-1-2-12-3-10/23

Komisija za javnu nabavku imenovana je Rješenjem broj: 11-01-45-252/23 od 28.02.2023.godine

Na javnom otvaranju ponuda su prisustvovali članovi komisije: Amra Dervišbegović, dipl.ing.grad.,
Dr.Damir Jerković, dipl.oec., Matea Pehar,mag.iur. i Vera Dogan, dipl.ing.agr..

Komisija je dana 19.10.2023. godine na javnom otvaranju ponuda, kojem su prisustvovali ovlaštene predstavnici dvojice ponuđača, konstatovala da su se na poziv za dostavu ponuda javila četiri ponuđača i to :

Koverta broj:1 grupa ponuđača: „GRID“ d.o.o. Banja Luka - vodeći partner
“CPK“ d.o.o. Banja Luka – partner

Koverta broj:2 „GEOMETRIKA“ d.o.o. Grude

Koverta broj:3 „GEOBIRO“ d.o.o. Konjic

Koverta broj:4 konzorcij „HIGRACON“ d.o.o. Sarajevo – nosioc konzorcija
„PROTOK“ d.o.o. Zagreb - član

i otvorila pristigle ponude.

Ponude su bile uredno zatvorene, adresirane i blagovremeno dostavljene u skladu sa tenderskom dokumentacijom.

Na zatvorenom sastanku komisija je izvršila uvid u izvješće o preuzimanju tenderske dokumentacije od strane ponuditelja iz kojeg je vidno da je tendersku dokumentaciju preuzeo dvadesetjedan (21) ponuđač.

Nakon uvida u sadržaj svih dostavljenih ponuda konstatovano je sljedeće:

- ponuda ponuđača grupa ponuđača: „GRID“ d.o.o. Banja Luka - vodeći partner / “CPK“ d.o.o. Banja Luka – partner nije potpuna te kao takva neće učestvovati u daljem postupku evaluacije. Naime, kako je vidno iz sadržaja ponude ponuđač nije priložio dokaz da osoba koja je imenovana za voditelja projekta ima položen stručni ispit u skladu sa Pravilnikom o načinu i programu polaganja stručnog ispita radnika koji rade na poslovima iz geodetske djelatnosti i zakonskim propisima FBiH (“Službene novine FBiH”, broj:13/02 I 108/12).
- ponuda ponuđača „GEOMETRIKA“ d.o.o. Grude je potpuna i kao takva može učestvovati u daljem postupku evaluacije.
- ponuda ponuđača „GEOBIRO“ d.o.o. Konjic nije potpuna te kao takva neće učestvovati u daljem postupku evaluacije. Naime, kako je vidno iz sadržaja ponude ponuđač nije priložio Izjava ponuđača o dužini davanja podrške korisnicima, a što je jedan od kriterija za vrednovanje ponuda.
- ponuda ponuđača konzorcij: „HIGRACON“ d.o.o. Sarajevo – nosioc konzorcija, „PROTOK“ d.o.o. Zagreb – član je potpuna i kao takva može učestvovati u daljem postupku evaluacije.

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenog kriterija “ekonomski najpovoljnija ponuda” koje je ugovorni organ odredio, Komisija je jednoglasno utvrdila sljedeću rang listu:.

1. sa ostvarenih 100 bodova - Ponuđač broj: 4 konzorcij:
„HIGRACON“ d.o.o. Sarajevo – nosioc konzorcija
„PROTOK“ d.o.o. Zagreb – član
Nosioc konzorcija „HIGRACON“ d.o.o. Sarajevo Ulica Hiseta broj 3 71000 Sarajevo
2. sa ostvarenih 86,07 bodova Ponuđač broj:2 : „GEOMETRIKA“ d.o.o. Grude
Visoka broj:344, 88344 Drinoveci Grude

Komisija za javnu nabavku je dana 30.10.2023.godine dala preporuku o donošenju odluke za izbor najpovoljnijeg ponuđača te Zapisnik o pregledu i ocjeni ponuda i preporuku dostavila Ministru poljoprivrede, šumarstva i vodoprivrede.

U postupku ocjene provedenog postupka, Ministar poljoprivrede, šumarstva i vodoprivrede nije utvrdio razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač, nakon primjene ranije utvrđenih kriterija najbolje ocijenjen i da je ponudio najpovoljniju ponudu.


U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

Iz naprijed navedenih razloga, odlučeno je kao u dispozitivu.

Prijedlog ugovora o nabavci dostavit će se na potpis izabranom ponuđaču u zakonskom roku.

Ova Odluka objavit će se na web-stranici ministarstva, a istovremeno s upućivanjem ponuđačima koji su učestvovali u postupku javne nabavke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Dostavljeno:

1. ponuđači 4x
2. kabinet Ministra
3. a/a